

TE WHAKARARANGITANGA A HEREPETE RAPIHANA, I Nga Take Nunui I Paahitia ete Komiti a Te Kotahitanga I Tu Ki Papawai, Ite 14 O Aperira, 1897

PAPAWAI, Aperira 14th., 1897.

KOTE whakatuheratanga tuaono tenei ote Paremata ote Kotahitanga o te Iwi Maori, o Aotearoa me te Waipounamu, ka whakatuheratia nei ite Rua onga haora o tenei ra,

E mihi atu ana au kia koutou katoa kinga Wahine kinga Tane menga Tamariki kua huihui mai ki roto i tenei whare me era atu hoki i waho. E pouri ana toku ngakau mote korenga o aku Minita menga Mema e hui mai i tenei ra. Kia taea ai te Whakahaere tonu nga mahi i whakaarotia ete Iwi Maori hei mahi ma tenei Kotahitanga, otira kua whakaarotia kia kua e whakaneko hia te ra hei whakatuheratanga. Kote take tenei etahi Rangatira kua tae mai, a he take a ratou e hiahia tia ana kia whakaarohia e tenei Kotahitanga na reira kua penei tia te tikanga, me whakatu tetahi Komiti o tenei Hui, hei whakahaere tonu inga take e hiahia tia ana kia mahia inaianei.

Ko teaei ka tukua atu e au ma Tare Tikao e whaka marama nga take mo tenei tuheratanga,

Heoi ano,

Pene Tau.

Motini,

Herepete Rapihana—

Emotini atu ana ahau, kite mahara ate kai Motini, kia Whai-mana tenei Komiti, kite Whakahaere inga mahi ate Kotahi Tanga, iroto i tenei tunga ka whaka oti ai ahakoa ngaro atu Te Pirimia meoku hoa Minita,

Na W. Kiriwehu I Tautoke, Papawai, APERIRA 21st, 1897,

Pukapuka-Mihi.

Ki to matou Kuini Atawhai; kia Kuini Wikitoria. He mihi aroha atu tenei na to Iwi Maori o Niu Tireni ki a koe, ki to matou whaea Rangatira, kaiawhina hoki i raro inga whakaae-tanga o "Te Tiriti o Waitangi."

Tena koe i raro ite atawhai o te Atua, Nana nei ou ra i whakarua e noho ana i runga ite Toroona o ou Tupuna. A, e tino tumanako ana matou, ou tamariki aroha kia whakarouina atu auo ou ra e to tatou Matua ite rangi,

Ko Niu Tireni hoki to tamaiti tnatahi i whanau mai nei ia koe i muri iho inga, ra o tou whaka-Kuinitanga. A, Ka inoi atu nei hoki matou kia koe kia ata whaitia e koe to Iwi Maori e noho nei i enei motu i raro i to Mana. Hemea pai, he mea nui rawa hoki; hei tohu mo te roanga ou ra e Kuini ana mo matou kia pai koe kite whakaae i tetahi tikanga rahui >tuturu, e toeai te morehu o o matou whenua hei wai-u mo to Iwi Maori ake, ake; Inakoki, ote timatanga mai ano ote Koroni tae mai ki inaianei nui atu ite ono-tekau miriona nga eka kua riro atu ite Pakeha me te Karauna, e rina ano miriona nga eka nai atu iti iho ranei e toe ana ki to Iwi Maori inaianei.

Kei te hiahia ou Iwi Maori ki te mahi oranga ano mo ratou i runga i nga huarahi mahi ahu whenua, a ko nga wahi kaore e taea e matou te mahi, kei te whiakaae matou ki te reti atu i runga i nga huarahi whaka-nohonoho tangata.

Engari, kaore o Iwi Maori e hiahia ana kia riro atu nua morehu whenua i o matou ringaringa, he mea kua tino mohio matou heoi nei ano to wai-u mo matou, me o matou uri ake, ake,

Kua kore hoki nga raruraru i oho ai nga ngakau o nga iwi e rua i nga ra o mua, kua noho pai inaianei i raro i to Maru pena hoki inga tini iwi i raro i to mana e tatua nei ite ao katoa, ki te tatua ote Rangimarie.

Heoi, kia ora koe ete Kuini! Ma te Atua koe e manaaki, e tiaki me teu Whanau, me ou Minita, me ou Kia-Whakahaere katoa i raro i to Mana,

E Ihowa Tohungia A Te Kuini.

Motini.

APERIA, 21st, 1897.
Herepete Rapihana—

Take Tuatahi kia whiriwhiria etenei komiti te kupu kia whaka whitia Te Pire Tono Mana Motuhake ate Kotahitanga ki ingarangi Ite nei watono. (Paahitia ana e Te Komiti,)

Motini Nama 2.

Hone Heke Ma Herepete Rapihana—

Konga Kirihipi kei waho atu ano, kaore nei ano i takoto ki roto ite ringa ote Kawanatanga Maori o "Te Kotahitanga onga Iwi Maori" me tono kia whakatakotoria ki te aro aro o tenei Komiti e noho huihui nei i Papawai, Wairarapa.

I kokirihia te Motini e Hone Heke (ma H. Rapihana) ra roto i Te Tiamana, ki te aro aro ote Komiti, a whakaaetia ana e te Komiti. No reira i whakacaua ai te Tiamana ote Komiti nui ote Huihuinga iaia e noho hui hui ana kia tuhia eia he pukapuka, ki nga tangata kei ia ratou nei aua Kirihipi e takoto ana, kia tukua mai aua Kirihipi ki te aro aro o tenei Komiti, me tukua mai kite ingoa o Te Tiamana ote huihuinga o "Te Kotahitanga onga Iwi Maori,"

Taare Tikao,
Papawai,
Greytown North,
Wairarapa,

Motini Nama 3.

Konga Kaute moni katoa ote kohikohi 2/- (rua hereni) ma te tangata, tanne, wahine, hei whakawhiti i Te Pire tono mana Maori, ki ingarangi, i whakahaua nei e te Huihuinga o "Te Kotahitanga," i tu nei ki Ratoroa ito tau, 1895, kia kohia, me tono he Kape onga Kaute aia, Komiti kahi moni aia Komiti kia tukua mai ki te aroaro o tenei Komiti nui e noho huihui nei i Papawai, Wairarapa

I kokirihia te Motini e Hone Heke (ma H. Rapihana) ra roto i Te Tiamana ki te aroaro o te Komiti nui — a whakaaetia ana. No reira i whakahaua ai te. Tiamana ete Komiti Nui kia tuhia eia he reta ki ia Komiti Kohi Moni

Nga mea hei whakaaturanga ma nga Tiamana onga komiu kahi Moni.

oia Iwi oia Iwi kia tukua mai (1) he kape ote kaute o a ratou moni (2) kia whakaaturia mai te ingoa ote Tiamana menga mema ote Komiti kahi Moni (3) kia whakaaturia mai nga ingoa onga tangata i whakaturia e te Komiti Koni Moni; hei kai Tiaki i taua moni, (4) mehemea i kohia ki tetahi Peeke moni pakeha, kia whakaaturia mai te ingoa otaua Peeke, (Tirohia Nama 5.)

A mehemea kaoro ano i tu noa he Komiti Kohi moni —me whakatu he Komiti kia (whitu) nga tangata mo taua Komiti a ma taua toko whitu e whiriwhiri he Tiamana mo ratou.

Ko te Komiti ma te Iwi, ma te Hapu, ma nga Hapu ranei e whakatu, i tetahi hui e karangatia e ratou mo taua mahi.

Ka tu nga Komiti Kohi moni, ka tu hoki he Tiamana, ma taua Komiti e whakarite ana tangata kahi moni. Kite oti te kahi te takiwa a tetahi Komiti, ko reira te Tiamana tukua ai i nga moni i Kohia ki roto i tetahi Peeke pakeha, whare Poutapeta ranei i raro i tenei ingoa,

Trust Account for the Confederated Assembly of the Maori Tribes of New Zealand:—

He ingoa whakatau noa enei (1.) Tamati Trustees

He ingoa whakatau noa enei (2.) Wiremu Trustees

He ingoa whakataua noa enei (3.) Hare Trustees

Whakamaoritanga.

He Kaute, he moni e Tiakina ana ma 'Te Kotahitanga onga Iwi Maori o nui Tireni:—

(1.) Tamati Nga Kai tiaki

(2.) Wiremu Nga Kai tiaki

(3.) Hare Nga Kai tiaki

Take hei whakaaturanga mai mate Tiamana ote Komiti Kohi Moni.

[NAMA 5] Na, ki te kore e tukua ki tetahi Peeke pakeha, Poutapeta ranei e te Komiti, me whakaatumai e te Tiamana o taua Komiti Kohi Moni, kowai ma nga Kai-tiaki, me nga ingoa onga Poutapeta tukunga reta atu ki aua kai-tiaki.

Ki te oti ia Komiti Kohi Moni te whakatu me tona Tiamana, hei reira me tuhi tonu mai te Tiamana ote Komiti Kohi Moni ki te Tiamana ote Komiti Nui o "Te Kotahitanga" e tu nei i Papawai, Wairarapa — ki tenei ingoa.

Kia Taare Tikao,
Tiamana ote Komiti Nui o Te Kotahitanga onga Iwi Maori.
Papawai,
Greytown North, Wairarapa,

Motini Nama 4.

Kia Whiriwhiria etenei Komiti kowai ma ngatangata hei whakawhiti ite Pire Tono Mana ate Kotahitanga ki Ingarangi, a Tokohia hokiaua Tangata, I tonoa e Hone Heke kia whakanukuhia te motini nama (4) a Herepete Rapihana, kia poto mai nga Rangatira e ngaro atu nei ki Poneke.

A mehemea ka hiki tenei huihuinga, hei reira me tuku aua Kirihipi me nga Kaute Moni kia,

Hamiora Mangakahia,
Whangapoua,
Hauraki.

Te Tumuaki ote Komiti nui ote Kawanatanga Maori o Te Kotahi tanga i noho nei ki Taupo. Na konga mema katoa ote Kotahitanga hei awhina ite Tiamana otenei Komiti me Hamoira Mangakahia hei kawae i enei pupu [*unclear: wheka*]hau ki roto i o ratou takiwa katoa,

He Motini Monga Tangata Haere Ki Ingarangi.

Henare Tomoana—

Me paahi e tenei hui nga tangata tokotoru:

- HONE HEKE, Aotearoa
- H, T, TIKAO, Waipounamu
- MEIHA KEEPAA, Aotearoa

Me tuhera tonu te huarahi e uru mai ai Etahi tangata e paingia ana Ete Iwi a ma to tatou Paremata e whakatuturu.

Te Kumeroa Kai Tautoko
Mei 7th, 1897.

He Motini,

Ki te whakaaro o tenei komiti me whakahaere he ritenga e taea ai te mahi he pire e te Kawanatanga Maori hei whakararangi i nga mahi ma nga tangata e haere ana ki Ingarangi me te whakapuaki ano a Heke a Tikao a Taitoko me etahi atu i o ratou whakaaro ki te aroaro o te Paremata o te Kotahitanga.

Herepete Rapihana,
Mei 7th, 1897.

PAPAWAI, APERIRA 27TH, 1897

Kia Taare Tikao, TIAMANA—

Take koha moni Kua tautokona e te Komiti huihui o Hinehauone me Hinepare kia koha tonu i roto inga marama katoa tae noa kite wa e haere ai Te Mana motu hake ko te wahine hei takoto tanga mo taua moni Ko Niniwa Heremaia me tona.

Komiti.

E tau toko ana te komiti wahine kia tonu a nga Kiri hipi kia tae mai ki konei ite tunga o tenei hui,

Niniwa Heremaia,
Mo tona Komiti Hinehauone[*unclear*: ;]

PAPAWAI, APERIRA, 24TH, 1897.

Kite Tiamana Ote Kotahitanga-

E tautoko ana te Komiti wahine ite tutaki ite arai ite hoko mo nga whenua e mau ana ite iwi Maori kia waiho hei whenua tuturu mo matou me o matou uri menga uri ao matou uri mo ake tonu atu,

Otira na te Ko miti wahine katoa.

[Tirohia Pukapuka Mihi kia Te Kuinui.]

Etahi onga take nunui kaore i paabitia, engari i whakanukuhia mo te hui ka tu ki Papawai, Wairarapa ate 8 onga ra o Hepetema, 1897 e haere mai nei.

- Pitihana ate Arawa kia tukua atu ki aia te tunga tuturu monga hui a 'Te Kotahitanga' mo ake tonu atu.
- Kote Motini whiriwhiri ite tokomaha, a kowai ma nga tangata hei haere ki Ingarangi, i waiho kia puare kia whai kupu ai te. Hui ate 8 o Hepetema, mo taua take, engari konga tangata kua whakaingoatia ko;—

1 Hone Heke, Atearoa

2 Meiha Keepa Te Rangihwinui Atearoa

3 H, Taare Tikao, Waipounamu

Kupu Whakaatu Kinga Iwi.

Ko te Hui ate 8 onga ra o Hepetema. 1897, ka whakatakotoria katoatia e Hone Heke nga take ma nga Iwi Maori ki te aroaro ote Rumanga o 'Te Kotahitanga,'